



Wim Willems di FEPO: Por ta ta tiki difícil na prome instante

Raynbert Ramada ta e prome cliente di FEPO cu a bay MAVO

cha cu bay Scol Scucha nos, a sigui nan educacion den scol primario, pa despues sigui pa EPB.

Awor na grandi tur e muchanan aki tin trabao caba, cu ayudo di e trahadornan social di FEPO.

Willems a conclui cu e ta spera cu e hobennan aki keda na trabao tambe, apesar di un deficiencia den oido. □

ORANJESTAD — Quota Club, manera ya ta conoci caba, tin su siman di “Kibra Silencio”.

Aki, hunto cu personal di FEPO (Fundacion pa Esnan cu Problema di Oido, a presenta e hoben Raynbert Ramada, kende ta un hoben kende a opera su oido y a pone un implante cu a haci cu e por scucha.

Segun ex cabesante di Scol Scucha nos, trahando actualmente na FEPO como Office Manager, Sr. Wim Willems, kende a duna un relato en cortito di su experiencianan cu Raynbert.

El a comenta cu tempo cu e mucha a bay e scol, e no tabata papia nada.

Despues cu su tata a bringa e caso cu AZV, nan a bay Hulanda caminda cu a opera Raynbert, poniendo un implante den su horea.

Una bes cu el a bin bek, segun Willems, e hoben a regresa Scol Scucha Nos, pero despues di un tempo por a sigui su estudio na Scol Primario Kudawecha, caminda el a haya guia tur siman riba e materianan di Hulandes y hopi cos mas, esaki danki na esfuersonan di e boluntarionan di FEPO, como tambe e docentenan di e scol mes.

Willems a sigui comenta cu na Juni nan a bin haya e noticia cu Raynbert a wordo acepta na Juliana School MAVO, haciendo Raynbert como e prome hoben cu implante cu a logra bay un MAVO School.

Awor aki FEPO ta satisfecho cu e hoben ta eynan y ta spera cu e por logra.

Na comienso por ta un poco difícil, pero cu perseverancia e sigur lo por logra.

Willems a conta cu tur mu-